



Broj: 04-GV-04-51/24
Sarajevo, 11.01.2024. godine

ZAPISNIK O RADU
26. SJEDNICE ODBORA ZA LOKALNI BIZNIS I TURIZAM
GRADSKOG VIJEĆA GRADA SARAJEVA
održane 11.01.2024. godine

Prisutni:

1. Nermin Džino, predsjedavajući
2. Jasmin Skorupan, član
3. Miodrag Spasojević, član
4. Amina Šuman-Brkić, članica
5. Irmin Pita, član,
6. Azem Mujan, član

Odsutni: Senka Tahmaz, zamjenica predsjedavajućeg

Sjednici iz Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća
- Amer Čaušević iz Službe za lokalno poslovanje i turizam

Predsjedavajući Odbora je u 11:05 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 25. sjednice Odbora za lokalni biznis i turizam Gradskog vijeća Grada Sarajeva održane 11.12.2023. godine.

Na prijedlog Predsjedavajućeg Odbora, jednoglasno je usvojen sljedeći **dnevni red**:

1. Prijedlog Odluke o utvrđivanju posebnog značaja za Grad Sarajevo za Udruženje turističkih vodiča Sarajeva "Vučko"
2. Tekuća pitanja



TAČKA 1.

Prijedlog Odluke o utvrđivanju posebnog značaja za Grad Sarajevo za Udruženje turističkih vodiča Sarajeva "Vučko"

Poslije uvodnih napomena i rasprave u kojoj su učestvovali svi članovi Odbora, te sažetka predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam je razmotrio Prijedlog Odluke o utvrđivanju posebnog značaja za Grad Sarajevo za Udruženje turističkih vodiča Sarajeva „Vučko“ te sugerše Gradskom vijeću Grada Sarajeva da isti razmatra kako je i predložen uz uvažavanje amandmana ovog radnog tijela kako slijedi.

Na osnovu člana 124. stav 2. i 4. Poslovnika Gradskog vijeća („Službene novine Kantona Sarajevo“, br. 28/09, 11/20 i 19/20) Odbor za lokalni biznis i turizam na Prijedlog Odluke o utvrđivanju posebnog značaja za Grad Sarajevo za Udruženje turističkih vodiča Sarajeva „Vučko“ podnosi

AMANDMAN

U članu 2. Prijedloga Odluke o utvrđivanju posebnog značaja za Grad Sarajevo za Udruženje turističkih vodiča Sarajeva "Vučko", navedeni iznos „4.000,00 KM“ se mijenja iznosom „8.000,00 KM“.

Obrazloženje

Odbor za lokalni biznis i turizam je razmotrio predloženu Odluku, te podržava način na koji je obrazložen značaj ovog udruženja te ističe aktivnosti koje ovo udruženje radi, a koje su od izuzetnog značaja za čitavu zajednicu, a posebno za turizam grada Sarajeva. Odbor podržava donošenje ovakve Odluke, ali predlaže da se predloženi iznos za podršku radu ovom udruženju udvostruči kako bi se tako podržale aktivnosti a posebno one usmjerene na edukaciju članova udruženja i drugih djelatnika u turizmu.

TAČKA 2.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI ODBORA

Nermin Džino, s.r.

Predsjedavajući Odbora je u 11:30 sati zaključio rad 26. sjednice Odbora za lokalni biznis i turizam Gradskog vijeća Grada Sarajeva.